



Direktoratet for mineralforvaltning
med Bergmeisteren for Svalbard

Kopi til:
Modalen kommune
Postboks 44
5729 MODALEN

Dato: 19.04.2017
Vår ref: 14/01562-10
Deres ref:

Tildeling av driftskonsesjon etter mineralloven for Høgabrekka i Modalen kommune

Leiv Erikssons vei 39
Postboks 3021 Lade
N-7441 Trondheim

TELEFON + 47 73 90 46 00
E-POST mail@dirmin.no
WEB www.dirmin.no

GIRO 7694.05.05883
SWIFT DNBANOKK
IBAN NO5376940505883
ORG.NR. NO 974 760 282

SVALBARDKONTOR
TELEFON +47 79 02 12 92

1. Konsesjonen

Direktoratet for mineralforvaltning med Bergmeisteren for Svalbard (DMF) viser til søknaden om driftskonsesjon datert 28. oktober 2014 frå Knut Dale Sandtak v/ Sigrun Dale (organisasjonsnummer 970 054 855). Knut Dale Sandtak v/ Sigrun Dale (organisasjonsnummer 970 054 855), heretter kalla «Tiltakshavar» eller «Tiltakshavaren», får med dette driftskonsesjon etter minerallova § 43.

Tiltakshavaren får driftskonsesjon for uttak av mineralske ressursar i Høgabrekka på del av eigedomen gnr./bnr. 76/4 i Modalen kommune. Mineralførekomsten høyrer til kategorien mineral som grunneigaren eig.

Konsesjonsområdet har eit areal på omkring 38 daa. Området er i kommuneplanens arealdel, vedtatt 15. oktober 2015, øyremerkert til råstoffutvinning, og går fram av kart over konsesjonsområdet i vedlegg 1.

DMF gjer merksam på at ein driftskonsesjon gjeven etter minerallova ikkje erstattar krav om løyve, godkjenning, arealplan eller konsesjon etter anna lovgjeving.

2. Vilkår

Konsesjonen blir gjeven på desse vilkåra:

2.1. Driftsplan

Drifta skal til ei kvar tid gå føre seg i samsvar med ein driftsplan godkjend av DMF. Dersom Tiltakshavaren ønskjer å gjere vesentlege avvik frå driftsplanen, skal DMF godkjenne dette på førehand. DMF kan krevje ny oppmåling og at ajourførte kart og profilar skal sendast inn når DMF finn det nødvendig. Merknadar til driftsplanen som ligg ved, jf. og punkt 5.4 kor merknadane går fram, skal rettast seinast innan 2 månader etter tildeling av driftskonsesjon, og oppdatert driftsplan sendast DMF.



2.2. Økonomisk sikkerheit

Tiltakshavaren blir pålagt å stille økonomisk sikkerheit med NOK 400 000, som skildra i punkt 5.11 av vedtaket, for å sikre at nødvendige sikrings- og oppryddingstiltak blir gjennomførte etter minerallova §§ 49 og 50, jf. minerallova § 51.

Den økonomiske sikkerheita skal stillast i form av ein bankgaranti for eit grunnbeløp på NOK 150 000, og deretter årlege avsetjingar til ein bankkonto som det skal etablerast pant i til fordel for DMF slik at Tiltakshavaren ikkje kan råde over kontoen på noko vis, begge deler som skildra i punkt 5.11.

Innan 2 månader etter datoen på dette konsesjonsvedtaket skal Tiltakshavaren ha:

- (i) inngått ein avtale om finansiell sikkerheit med DMF, vedlegg 2;
- (ii) lagt fram påkravsgaranti frå bank som DMF vurderer som tilfredsstillande;
- (iii) etablert pantet til fordel for DMF, jf. pantelova §§ 4-4 til 4-6.

2.3. Bergteknisk ansvarleg

Det skal utan grunnlaust opphald sendast skriftleg melding til DMF om alle skifte av bergteknisk ansvarleg for eit uttak.

3. Godkjenning av driftsplan

DMF godkjenner driftsplanen for Høgabrekka med mindre merknadar. Sjå DMF si vurdering punkt 5.4. Den godkjende versjonen av driftsplanen ligg ved dette konsesjonsvedtaket.

4. Høyring

Søknaden om driftskonsesjon har vore på høyring, jf. forvaltningslova § 17, hos desse høyringsinstansane: Fylkesmannen i Hordaland, Hordaland fylkeskommune, Modalen kommune, Statens vegvesen Region sør, Norges vassdrags- og energidirektorat Region vest, Statnett SF og naboar.

Høyringsperioden var frå 22. mars 2017 til 19. april 2017.

Frå høyringsfråsegnene har DMF særleg merkt seg dette:

Statens Vegvesen Region vest

Statens Vegvesen Region vest uttaler seg slik i sitt høyringsutspel:

«Statens vegvesen har ingen innvendingar mot at det vert gjeve løyve til driftskonsesjon, men har fylgjande tilbakemeldingar:

Dersom området skal regulerast vil Statens vegvesen uttale seg om fylkesveg 345, med tilhøyrande atkomst til området. Utan reguleringsplan må det søkjast om utvida bruk av avkøyrslar etter veglova.

Me vil på førehand syne til at det pr. i dag er tre avkøyrslar til området. Dersom det vert gjeve konsesjon må to av avkøyrslene stengast. Årsaka er at tre avkøyrslar på eit avgrensa område kan føre til uoversiktlege trafikkforhold, og i



verste fall vera årsaken til trafikkulykker. Samstundes er siktilhøvet dårleg i to av avkøyrslene.

Det er naturleg at avkøyrsla i midten vert oppretthaldt (ved hp 1 km 1,058), medan dei to andre avkøyrslene vert stengt for trafikk (ved hp 1 km 1,995 og hp 1 km 2,077).

Avkøyrsla som vert oppretthaldt må utformast etter gjeldande vegnormalar. Det vil sei at frisikta 6 meter inn i avkøyrsla må vere minimum 72 meter til begge sider. Det same gjeld fram og bakover på vegen ved avkøyrsla. Difor må sikthindringar (vegetasjon, terreng m.m) over 0,5 meter i planet mellom avkøyrsla og fv. 345 fjernast. I retning nordaust må lausmassar fjernast (sjå figur 2). Svingradius skal vere 12,5 meter (diameter 25 meter).

Når skogen vert rydda i nordaust må det etablerast grøft langs fv. 345. Dette for å hindre at vatn drenerer ut i vegbana.

Fylkesvegen skal ha ei sikringssone på 3 meter. Dette for at vegen skal kunne driftast og vedlikehaldas utan hindringar, og for å unngå skadar på vegen».

Kommentar: DMF tek fråsegna til etterretning. DMF minner om at ein driftskonsesjon gjeven etter minerallova ikkje erstattar krav om løyve, godkjenning av arealplan eller konsesjon etter anna lovgjeving. Tiltakshavar pliktar å følgje anna regelverk som gjeld for drifta i uttaket og DMF gjer oppmerksam på at det er Statens Vegvesen som er rette myndighet for veglova.

Statens Vegvesens høyringsfråsegn vedrørende sikthindringar omkring avkøyrslane ved uttaksområdet tas til etterretning. DMF minner om at dette er tiltak som skal utarbeidast etter gjeldande vegnormalar og at tiltakshavar pliktar å følgje anna regelverk.

Kva gjeld avbøtande tiltak for å hindra at vatn drenerer ut i vegbana og ein sikringssone på 3 meter, har DMF funne grunn til å setje desse tiltaka som merknadar til godkjent driftsplan med krav om oppdatering. Dette av omsyn til sikkerheit i og rundt konsesjonsområdet og framtidig vedlikehald av veg, sjå merknadene i vedtakets punkt 5.4. Samstundes vil DMF minna Tiltakshavar om sikringsplikta etter mineralloven § 49, herunder at Tiltakshavar skal sette i verk og halda ved like sikringstiltak for heile området, slik at arbeida ikkje medfører fare for menneske, husdyr og tamrein.

Modalen kommune

Modalen kommune uttaler seg slik i sitt høyringsutspel:

«Planstatus:

Arealet er i gjeldane kommuneplan satt av til råstoffutvinning. Gjeldane kommuneplan set krav om at det må ligge føre godkjent reguleringsplan med konsekvensutgreiing før eventuelle uttak kan starte jf. pkt 2.6.2. Det aktuelle sandtaket har hatt drift i ulikt omfang siden 1930-talet. Kommunen vurderer det derfor slik at det ikkje er naudsynt å lage ein reguleringsplan her, då arealet har vore i drift i lang tid og før gjeldane kommuneplan trådde i kraft. Samt at det her er snakk om avsluttande drift.



Modalen kommune meiner vidare at føreseigna i gjeldane kommuneplan vil legge føringar for vilkår som skal stillast i eit løyve til driftskonsesjon. Kommunen vil difor spesielt visa til punkt 2.6.2 i kommuneplanens føresegn om attføring og etterbruk av område. Kommunen meiner det er viktig at område vert ferdigstilt til jordbruksareal etter at drifta er ferdig. Vidare er det viktig at ein kan tilbakeføre område fortløpande etter kvart som ein er ferdige med uttak av lausmassar.

Naturmangfald:

Kommunen har ikkje kjennskap til at det er spesielle naturverdiar på eller nærme arealet. Men kommunen meiner at det må gjerast ein generell vurdering av tiltaket etter Naturmangfaldslova §§ 8-12, jf. NML § 7.

Avrenning til veg og vassdrag:

Kommunen meiner det må lagast ei grøft i området som skal ryddast og takst ut langs fylkesveg 345. Dette for å unngå at det kjem avrenning av finstoff over fylkesvegen og ned i Modalselva. Modalen kommune, Fylkesmannen i Hordaland og elveeigarlaget jobbar med fiskekultiveringstiltak for å tilbakeføre laksen i vassdraget. Difor er det viktig å unngå at finstoff frå området kjem ut i vassdraget.

Tilbakeføring av arealet etter drift:

Vidare meiner kommunen det er viktig at oppgravne hol vert fylt att fortløpande, slik ein har gjort i seinare år. Søkjar har starta arbeidet med å tilbakeføre dei delane av område som er ferdige, til nytt jordbruksareal.

Kommunen ser dette som positivt. Dette for å sikra at område vert tilbakeført og at område vert mindre synleg elles i landskapet og att ein får meir nytt jordbruksareal.

Når det gjeld avsluttande skråningar mot naboeigedommar der det er lausmassar, så må dei avsluttast med ein helning slik at ein unngår seinare utrasning.

Modalen kommune ber direktoratet vurdere om voll/rygg med lausmassar langs fylkesveg 345 bør fjernast/slettast ut og om linje som går langs ryggen bør flyttast».

Kommentar: DMF tek fråsegna til etterretning og legg til grunn kommunens fråsegn om arealavklaring. Kva gjeld avrenning til veg og vassdrag viser DMF til Statens Vegvesen Region Vest fråsegn og punkt 5.4 i vedtaksbrevet. I tilhøve til opprydding i uttaksområdet, avslutning og tilbakeføring til landbruksområde viser DMF til den godkjende driftsplanen og kommuneplanens føresegn i punkt 2.6.2. DMF vurderer det slik at omsyn til opprydding, avslutning og tilbakeføring av uttaksområdet som ivaretatt.

I forhold til fjerning av voll/rygg minner DMF om at dette er tiltak som skal utarbeidast etter gjeldande vegnormar og at tiltakshavar pliktar å følgje anna regelverk.

Statnett SF

Høydingsparten har ingen motføresegner mot at Knut Dale Sandtak v/ Sigrun Dale får driftskonsesjon for Høgabrekka i Modalen kommune.

Kommentar: DMF tek føreseigna til etterretning.



Norges vassdrags- og energidirektorat (NVE):

NVE påpekar at aktsemdkart på NVE Atlas visar at uttaksområdet kan vere utsett for skredfare. I følgje aktsemdkart er steinsprang og snøskred aktuelle skredtypar. NVE har elles ingen merknader til søknaden.

Kommentar: DMF tek fråsegna til etterretning.

Hordaland fylkeskommune:

Statens Vegvesen Region vest uttaler seg slik i sitt høyringsutspill:

«Kulturminne:

Det føreligg ikkje kjente kulturminne som kan bli berørt av tiltaket. Potensialet for funn av automatisk freda kulturminne og andre verneverdige kulturminne i det omsøkte området er vurdert som lite».

Kommentar: DMF tek føresegna til etterretning. DMF vil samtidig minne tiltakshaver om at det har alminnelig varslingsplikt etter kulturminneloven § 8 andre ledd, dersom tiltakshaver oppdager at arbeidet kan virke inn på automatisk fredet kulturminner.

Fylkesmannen i Hordaland:

Fylkesmannen i Hordaland uttaler seg slik i sitt høyringsutspill:

«Mineralutvinning kan vere forureinande. Forureiningslova slår fast at det er forbode å forureine. Vi føreset at verksemda ikkje har avrenning av partiklar til vassdrag.

Kapittel 17 i avfallsforskrifta handlar om handtering av mineralavfall. I eit eventuelt driftsløyve bør det nemnast at verksemda må etterkome reglane i forskrifta viss det oppstår mineralavfall ved verksemda.

Viss det er knuseverk på staden gjeld kapittel 30 i forureiningsforskrifta om forureining frå produksjon av pukk, stein, grus, sand og singel. Den set krav til utslepp av vatn, støv og støy. Fylkesmannen skal også ha melding om knuseverk. Det er eit eige skjema på våre nettsider som kan nyttast som meldeskjema.

Vi har elles ikkje merknadar til søknaden».

Kommentar: DMF tek føresegna til etterretning. DMF minner om at ein driftskonsesjon gjeven etter minerallova ikkje erstattar krav om løyve, godkjenning eller konsesjon frå anna lovgjeving. I den forbindelse minner DMF om at tiltakshaver må overhalde kapittel 17 i avfallsforskrifta og kapittel 30 i forureiningsforskrifta.

5. DMF si vurdering

Føremålet til minerallova er å fremje og sikre samfunnsmessig forsvarleg forvaltning og bruk av mineralressursane i samsvar med prinsippet om ei berekraftig utvikling.

Etter minerallova § 43 er det krav om driftskonsesjon frå DMF for samla uttak av mineralførekomst på meir enn 10 000 m³ masse og for alt uttak av naturstein. Berre den som har utvinningsrett kan få driftskonsesjon.



Konsesjonssøknader går gjennom ei skjønsmessig prøving før det blir avgjort om det skal gjevast driftskonsesjon. I vurderinga av om det skal gjevast driftskonsesjon skal det leggjast vekt på om søkjaren er "skikka" til å utvinne førekomsten. Dette inneber at ein skal leggje vekt på om prosjektet ser ut til å vere økonomisk gjennomførbart, om det blir lagt opp til bergfagleg forsvarleg drift, og om søkjaren har tilstrekkeleg kompetanse til å drive førekomsten. I vurderinga av om det skal gjevast driftskonsesjon skal det òg leggjast vekt på omsyna som er nemnde i minerallova § 2.

DMF kan fastsette vilkår for ein driftskonsesjon. Når DMF avgjer kva vilkår som skal stillast, vurderer direktoratet mange av dei same omsyna som er relevante for vurderinga av om det skal gjevast konsesjon.

DMF har vurdert konsesjonssøknaden slik:

5.1 Utvinningsrett

Mineralførekomsten som skal utvinnast tilhøyrer kategorien mineral som grunneigaren eig. Tiltakshavaren er sjølv grunneigar for konsesjonsområdet. Etter grunnboka er Tiltakshavaren heimelshavar til eigedomen der konsesjonsområdet ligg. Etter DMF si vurdering har Tiltakshavaren utvinningsrett til førekomsten.

5.2. Arealmessig status for tiltaket

Konsesjonsområdet har eit areal på omkring 38 daa. Området er i kommuneplanens arealdel, vedtatt 15. oktober 2015, øyremerkt til råstoffutvinning, og går fram av kart over konsesjonsområdet i vedlegg 1.

5.3. Økonomien i prosjektet

DMF har vurdert den innsendte informasjonen om økonomien for verksemda. På grunnlag av opplysningane som er gjevne vurderer DMF verksemda som økonomisk skikka.

5.4. Driftsplan

For å sikre at kravet om bergfagleg forsvarleg drift blir oppfylt, finn DMF grunn til å ta inn i konsesjonen eit vilkår om at drifta til ei kvar tid skal gå føre seg i samsvar med ein driftsplan godkjend av DMF.

Driftsplanen skal vere eit styringsverktøy for Tiltakshavaren i gjennomføringa av uttaket, og eit referansedokument i samband med DMF sine tilsyn.

I samband med søknaden har Tiltakshavaren lagt fram eit framlegg til driftsplan for uttaket.

Framlegget til driftsplan omfattar heile driftsperioden og avsluttinga av grustaket. Skildringa og kart- og snitteikningar presenterer det planlagde uttaket av førekomsten innanfor arealet på 38 dekar regulert til føremålet. Det totale volumet grusreservar som skal takast ut er estimert til kring 80 000 m³. Det årlege uttaket vil variere med marknaden, men det planlagde uttaket per år er 10 000 m³. I tillegg til driftsfasane skal det leggjast fram ein plan for sikring og avslutting av grustaket.



Med einskilde merknadar tilfredsstillar framlegget til driftsplan dei krava som DMF stiller. DMF sine merknadar gjeld:

- Tiltakhavar skal senda inn ein revidert driftsplan der det går fram at dersom tiltakhavar ved fjerning av løsmasser når fast fjell, må det vurderast om det skal gjerast slutt-reinsk og andre sikringar for å unngå potensielle blokkutfall frå den blottlagde fjellveggen i uttaksområdet.
- Når skogen vert rydda nordaust i uttaket skal det etablerast ei grøft langs fylkesvei 345.
- Det skal etablerast ein sikringssone på 3 meter frå fylkesvegen.

Etter DMF si vurdering kan den vedlagde versjonen av driftsplan for Høgabrekka godkjennast på det vilkåret at merknaden/marknadane blir retta **seinast innan 2 månader etter tildeling av driftskonsesjon**, og oppdatert driftsplan sendast DMF.

Dersom det under drifta oppstår nye situasjonar eller andre endringar i føresetnadene for drifta, til dømes geologiske og kvalitetsmessige variasjonar, bør det likevel på visse vilkår kunne opnast for å gjere endringar og tilpassingar i planen. Dersom Tiltakshavaren ønskjer å gjere vesentlege avvik frå driftsplanen, skal DMF godkjenne dette på førehand.

Undervegs i drifta kan DMF få bruk for oppdaterte kart og snitt som dokumenterer den noverande situasjonen i uttaksområdet og status i høve til den godkjende driftsplanen. Det blir difor teke inn som eit vilkår i konsesjonen at DMF kan krevje at Tiltakshavaren gjer ny oppmåling og at ajourførte kart og profilar skal sendast inn når DMF finn det nødvendig.

5.5. Bergfagleg forsvarleg drift

Kravet om at drifta til ei kvar tid skal gå føre seg på ein bergfagleg forsvarleg måte inneber at aktiviteten må vere i samsvar med tilfredsstillande faglege standardar for denne typen verksemd.

Etter DMF si vurdering er den føreslegne driftsplanen for uttaket bergfagleg forsvarleg. Ved vurderinga har DMF lagt vekt på driftsplanen for uttaket.

5.6. Søkjaren sin kompetanse for drift av førekomsten

I vurderinga av om søkjaren har tilstrekkeleg kompetanse er det den totale kompetansen som søkjaren har tilgang til som skal vurderast opp mot kravet om å vere skikka.

Etter forskrift til minerallova § 3-1 skal alle uttak av mineralske ressursar ha ein bergteknisk ansvarleg.

Tiltakshavaren har i søknaden gjeve opp Jon-Kåre Øvre Halland som bergteknisk ansvarleg for uttaket. Personen er registrert hos DMF som bergteknisk ansvarleg for uttaket og oppfyller kvalifikasjonskrava i forskrifta.



Etter DMF si vurdering har Tiltakshavaren tilstrekkeleg kompetanse til å drive førekomsten.

5.7. Dei miljømessige konsekvensane av utvinning

I vurderinga av om det skal gjevast driftskonsesjon skal det leggjast vekt på omsynet til miljøet og kulturminne.

Det finst ingen reguleringsplan for uttaket.

Biologisk mangfald – vurdering etter naturmangfaldlova

Naturmangfaldlova § 7 pålegg alle offentlege instansar som tek avgjerder som påverkar naturen å vurdere planlagde tiltak opp mot prinsippa i naturmangfaldlova §§ 8–12. Reguleringsplanen, høyringsfråsegner og egne søk i Naturbase og Artskart (gjennomførte den 28. februar 2017) er lagde til grunn for vurderingane etter naturmangfaldlova i DMF si handsaming av søknaden. DMF reknar kunnskapsgrunnlaget etter naturmangfaldlova § 8 for å vere tilstrekkeleg til at det kan fattast vedtak i saka. Føre-var-prinsippet i naturmangfaldlova § 9 gjeld såleis ikkje.

Viser til kommunens høyringsfråsegn kvar det vises til at omsynet til naturmangfald er ivaretatt.

Etter DMF si vurdering vil slikt uttak av massar som det er søkt om ikkje vere i konflikt med forvaltningsmålet for naturtypar og økosystem som er fastsett i naturmangfaldlova § 4 eller forvaltningsmålet for artar i naturmangfaldlova § 5.

Etter naturmangfaldlova § 10 skal den samla belastinga på økosystem og naturmangfaldet i regionen vurderast. DMF har kome til at det ikkje finst avgjerande moment som talar mot å innvilge konsesjon.

5.8. Tilhøvet til omgjevnadene og dei nærliggjande områda under drift

Mineralressursane skal forvaltast og brukast på ein måte som tek omsyn til omgjevnadene og dei nærliggjande områda under drift. Det er difor viktig at drivaren gjennomfører nødvendige sikringstiltak for å unngå skadar på eigedom, menneske og dyr.

Tiltakshavar har ikkje funne det naudsynt med særskilte sikringstiltak. Det vil bli set opp skilt og store holer i uttaksområdet vert fylt i og jamna ut.

Vi har kome til at dette ikkje er avgjerande moment som talar mot å innvilge konsesjon.

5.9. Kva tiltaket vil ha å seie for verdiskaping og næringsutvikling

Førekomsten det er søkt om driftskonsesjon for fell inn under råstoffgrupperinga sand, grus, pukk og leire (byggjeråstoff). Råstoffet blir brukt i produkt som det moderne samfunnet er heilt avhengig av og som blir brukte i bygg, vegar og anlegg. Tiltakshavar opplyser at førekomsten vert levert til Modalen sandtak og fordela til støypesand og singel. Produkta vert så selde til ulike betongstasjonar i Bergensområdet.

5.10. Langsiktig planlegging for etterbruk eller tilbakeføring av området



Tiltakshavar opplyser i driftsplana at til etterbruk vil stein, jord og øvrig skrotmassar lagras og brukast til attfylling/utjamning ved avslutning av drift. Planen er at uttaksområdet skal kunne brukast til jordbruk etter endt drift. Skråningane mot nabogrensa til gnr./bnr. 76/7 skal jamnast og ikkje vere brattare enn 1:2.

Etter DMF si vurdering er dei planane som finst for etterbruk eller tilbakeføring tilfredsstillande, og såleis ikkje noko avgjerande moment som talar mot å gje konsesjon.

5.11. Økonomisk sikkerheit

I søknaden om driftskonsesjon har Tiltakshavaren, i samsvar med forskrift til minerallova § 2-1, gjort framlegg til korleis sikkerheit kan stillast. DMF fastset dei endelege krava til sikkerheit.

Tiltakshavar har foreslått at det setjast av NOK 500 000 til sikrings- og oppryddingstiltak etter mineralloven.

5.11.1. Pålegg om å stille økonomisk sikkerheit og vurdering av kor stor sikkerheita skal vere

Etter DMF si vurdering er Tiltakshavaren sitt framlegg til kor stor sikkerheita skal vere tilfredsstillande.

Etter ei konkret vurdering av tiltaket finn DMF at Tiltakshavaren skal påleggjast å stille finansiell sikkerheit på NOK 400 000 for å sikre at nødvendige sikrings- og oppryddingstiltak blir gjennomførte etter minerallova §§ 49 og 50, jf. minerallova § 51. I vurderinga av kor stor sikkerheit som skal krevjast har DMF lagt vekt på kor komplekst uttaket er, masstype, potensiell forureiningsfare, underjords- eller dagbrotsdrift, plassering og lokale tilhøve. DMF har òg lagt vekt på sine egne erfaringstal for tilsvarande uttak, med tillegg for eksterne og uventa kostnader.

5.11.2. Form for sikkerheit

Det skal stillast sikkerheit i ei slik form at den ikkje vil gå inn i konkursbuet i tilfelle konkurs hos Tiltakshavaren, jf. forskrift til minerallova § 2-1 tredje ledd.

Etter DMF si vurdering vil det vere føremålstenleg at den økonomiske sikkerheita blir stilt ved bankgaranti og individuell fondsavsetjing til ein bankkonto som det etter ein eigen avtale om finansiell sikkerheit skal etablerast pant i til fordel for DMF, jf. pantelova §§ 4-4 til 4-6. Tiltakshavaren skal ikkje ha råderett over denne bankkontoen, som skal vere sperra til fordel for DMF.

DMF vurderer det som nødvendig at Tiltakshavaren, innan 2 månader etter datoen då konsesjonsvedtaket blei gjort, stiller ein bankgaranti som DMF vurderer som tilfredsstillande som påkravsgaranti for eit beløp på NOK 150 000. Dette er nødvendig for å ha tilstrekkeleg sikkerheit i oppstartfasen før fondet har nådd maksimal avsetjing. Storleiken på bankgarantien er fastsett på grunnlag av ei vurdering av kva som blir rekna for å vere tilstrekkeleg sikkerheit i denne fasen.

DMF kan fremje krav i høve til bankgarantien i desse tilfella:

- (i) Etter utløpet av Tiltakshavaren sin frist for å utføre nødvendige sikrings- og oppryddingstiltak som DMF godtek;



- (ii) Ved konkurs, opphøyr eller anna avvikling av Tiltakshavaren si verksemd; og
- (iii) Dersom konsesjonen blir trekt attende.

Ved melding til garantisten om at eitt av tilfella nemnde i punkt (i)–(iii) over har oppstått, skal DMF ha rett til å få utbetalt det kravet som blir gjort gjeldende etter bankgarantien, utan omsyn til motsegner frå Tiltakshavaren. Bankgarantien skal stå ved lag så lenge beløpet som står på bankkontoen ikkje har nådd NOK 150 000. Når beløpet på bankkontoen har nådd NOK 150 000, eller tidlegare etter skriftleg samtykkje frå DMF, fell plikta til bankgaranti bort.

Deretter skal Tiltakshavaren setje inn midlar på bankkontoen årleg fram til totalbeløpet på NOK 400 000 er nådd. Dei årlege innskota blir rekna ut etterskotsvis på grunnlag av masseuttaket året før. Det skal betalast inn NOK 5,56 årleg per tonn utteken masse.

Ved fastsetjinga av satsen per tonn utteken masse har DMF lagt til grunn at fondet skal byggjast opp over ein periode på 4 år, det vil seie NOK 100 000 per år. I søknaden er det rekna med eit uttak på 18 000 tonn/år, noko som gjev ei årleg avsetjing på NOK 5,56 kr per tonn.

Innbetalinga for masseuttaket må vere avsett innan 1. februar året etter.

5.11.3. Rapportering og dokumentasjon

Beløpet som står på kontoen skal dokumenterast årleg ved å gje DMF tilgjenge til ei oppdatert kontoutskrift. All avkasting på midlane skal godskrivast kontoen.

I tillegg finn DMF det nødvendig at Tiltakshavaren undervegs i drifta vurderer om den sikkerheita som er stilt er tilstrekkeleg til å dekkje kostnadene til sikrings- og oppryddingstiltak og gjev DMF tilbakemeldingar om dette. Dersom den fastsette driftsperioden for uttaket blir endra eller det skjer andre vesentlege endringar i driftsplanen, skal DMF informerast umiddelbart. Elles skal tiltakshavaren kvart femte år gjere ei ny vurdering av om sikkerheita er tilstrekkeleg. Når vurderinga er gjort, skal tiltakshavaren utarbeide ein rapport og sende den til DMF utan grunnlaust opphald.

DMF kan òg ha behov for meir rapportering og dokumentering enn det som er skildra over, og finn det difor nødvendig å påleggje Tiltakshavaren plikter i så måte i konsesjonsvilkåra.

5.11.4. Justering av sikkerheita

Etter forskrift til minerallova § 2-3 første ledd andre punktum kan DMF gjere vedtak om endring av storleiken på avsetjinga, inkludert dei årlege innbetalingane frå Tiltakshavaren, og tidspunktet for innbetaling. Slike endringar kan òg gjerast når som helst ved endringar i minerallova og andre relevante lover, forskrifter og vedtak.

6. Orientering om plikter

Tiltakshavaren har dei rettane og pliktene som følgjer av den til ei kvar tid gjeldande minerallova med forskrifter. Under følgjer ei kort forklaring av dei pliktene som gjeld no.



Oppstart av drifta kan krevje løyve frå andre offentlege styresmakter, t.d. løyve etter forureiningslova. Tiltakshavaren må sjølv avklare om det trengst andre løyve.

DMF skal ha melding om oppstart av drift etter konsesjonen. Slik melding skal gjevast seinast éi veke før oppstart, tidlegast tre veker før oppstart. DMF skal òg ha melding før drifta blir mellombels stansa eller lagd ned; sjå minerallova § 44.

Tiltakshaver skal sende årlig driftsrapport til DMF via «MinSide» på dirmin.no.

Drifta skal utførast med varsemd slik at den ikkje gjer større skade enn nødvendig, og slik at arbeidet ikkje fører til unødvendig forureining eller unødvendig skade på miljøet, jf. minerallova § 48.

Tiltakshavaren skal syte for forsvarleg opprydding av området medan arbeidet går føre seg, jf. minerallova § 50.

Tiltakshavaren skal setje i verk og halde ved like sikringstiltak for heile området slik at arbeidet ikkje er til fare for menneske, husdyr eller tamrein. Drivaren har tilsvarande sikringsplikt for gruveopningar, tippar og utlagde massar med tilknytning til området som ligg utanfor området retten gjeld, jf. minerallova § 49.

Den bergteknisk ansvarlege har særleg ansvar for å sjå til:

- at drifta skjer på teknisk forsvarleg vis slik at det blir teke omsyn til arbeidstakarar, nærliggjande busetnad og omgjevnadene elles
- at avbygginga av førekomsten blir gjort på ein berekraftig måte
- at drifta til ei kvar tid skjer etter ein ajourført og godkjend driftsplan

Konsesjonen kan reviderast etter ti år, med mindre tidlegare revisjon er fastsett i punkt 1 over.

Driftskonsesjonen fell bort dersom drifta ikkje er sett i gong seinast fem år etter at konsesjonen blei gjeven. Det same gjeld dersom drifta blir innstilt i meir enn eitt år. DMF kan forlengje fristen etter søknad.

Driftskonsesjonen fell òg bort dersom utvinningsretten blir sletta, avtalen om rett til å utnytte førekomst av mineral som grunneigaren eig går ut, eller det ikkje er kravd skjønns innan eitt år etter at det blei gjeve løyve til oreining etter minerallova § 37 andre ledd bokstav a.

Konsesjonen kan ikkje overdragast. Overdraging av utvinningsrett inneber heller ikkje overdraging av driftskonsesjonen.

Tiltakshavaren skal syte for forsvarleg opprydding av området etter at arbeidet er avslutta. Området skal vere varig sikra når arbeidet blir avslutta. DMF kan setje ein frist for når oppryddinga skal vere ferdig.



7. Partsrettar

Dette vedtaket kan klagast inn til Nærings- og fiskeridepartementet (NFD) etter reglane i forvaltningslova kapittel VI. Fristen for å klage er tre veker etter at vedtaket kom fram. Klaga må sendast til Direktoratet for mineralforvaltning.

Konsesjonssøkjaren har rett til å gjere seg kjend med dokumenta i saka på dei vilkåra og med dei unntaka som følgjer av forvaltningslova §§ 18 og 19.

For nærmare informasjon om minerallova med tilhøyrande forskrifter, sjå heimesia vår på www.dirmin.no.

Med helsing

Maria Lauritzen
seniorrådgiver

Geir Sigurd Hovig
rådgiver

Dokumentet er elektronisk signert og har difor ikkje handskrivne signaturar.
Sakshandsamar: Geir Sigurd Hovig

Vedlegg:

Kart over konsesjonsområde - Høgabrekka.pdf

AVTALE OM FINANSIELL SIKKERHETSTILLELSE.docx

PÅKRAVSGARANTI.docx

PANTSETTELSESERKLÆRING FOR ENKLE PENGKRAV.docx

Driftsplan.pdf

Mottakarar:

Dale Knut sandtak Sigrun Dale	Modalen 12	5729 MODALEN
-------------------------------	------------	--------------

Kopi til:

Fylkesmannen i Hordaland	Postboks 7310	5020 BERGEN
Hordaland fylkeskommune	Postboks 7900	5020 BERGEN
Modalen kommune	Postboks 44	5729 MODALEN
Statens vegvesen Region sør	Postboks 723 Stoa	4808 ARENDAL
Norges vassdrags- og energidirektorat Region vest	Naustdalsvegen 1B	6800 FØRDE
Statnett SF	Postboks 4904 Nydalen	0423 OSLO
Modalen Kraftlag BA	–	5729 MODALEN
Trude Langedal	Modalen 325	5729 MODALEN
Tone Selmer Skuggevik	Modalen 325	5729 MODALEN
Åse Johanne Jarleng	Modalen 340	5729 MODALEN
Lewis Helge Bolstad	Modalen 332	5729 MODALEN